

德平縣志
一

414.15
39.1
11~6

德平縣志

德平縣志

天成謙記南紙店代印
濟南城內芙蓉街路西

卷之十

序

邑之有志昉於周官外史之掌將以紀一時之政上備

國史之採擇也

祺

自光緒甲申先君子宰荷邑會修邑乘獲與

校刊役竊以爲邑治之要務越歲己丑捧檄莅德平政暇繙閱舊志閒多舛誤且自嘉慶丙辰迄今已近百年間輿圖邨里遷徙異矣問賦儲額制增裁異矣問禮儀兵卡今昔沿更異矣問城濠署廨學廟土木修廢異矣矧政治之得失人才風俗之盛衰以及碩彥通儒孝義忠節有待彰聞者尤不知凡幾時即欲修而葺之顧以筮仕伊始未遑也秉辛卯少保張勤果公奏准續修通志次年通志局 各憲須發舉要十

德平縣志

序

天咸謙記南紙店代印
濟南城內芙蓉街路西

二條檄修邑志捧誦之餘亟延集邑之紳耆籌議續修分任採訪本舊志體例續爲十二卷凡十踰月志成夫德邑志勑自有明趙王戴三志不存錢鍾二志互有詳略自茲以來文湮獻沒僅得於簿書所錄故老所聞根據舊志而折衷之或昔有而今無或已廢而復舉惟實事以求是遑計筆墨之工拙耶然而詳能吏之循聲所以重官守紀先哲之懿行所以勸士風錄義民之殉節所以勵盡忱傳列女之苦貞所以飭倫紀表科目序祀典稱學校建置之功所以贊文教誌田賦記災祥考方輿沿革之異所以奠民生推之物有可傳事有足取靡不旁摭載籍別類分門俾信之今而傳之後此則殷

切商榷以求合乎義例之歸者也事既蒞捐頻年俸餘付之
剗剗蓋數年來有志而未逮者至是而適觀厥成邑士人誠
能體修志之心以仰副

國家稽古右文之治而銘勳史冊增光志乘祺不敏與有榮焉
已

光緒十九年歲在癸巳三月上浣同知銜知德平縣事錢塘
凌錫祺撰

德平縣志

序

二

天成謙記南紙店代印
濟南城內芙蓉街路西

重修德平縣志序

德平於古爲兩般地稱形勝代產名流其事往往散見於他書博雅者不能盡識也白前明嘉靖閒邑侯趙公菟采羣籍裒集成書於是乎有志嗣是婁經纂續而古志不盡傳嘉慶初元鍾健菴邑侯重加修輯時鄉先輩張學文明經襄其事舉舊志而一新之炳炳乎家置一編矣顧其書距今已近百年文湮獻沒傳聞異辭將何所據以存一邑之掌故哉越歲己丑凌紹黼父臺來莅是邦下車後稔志書久闕亟思續修熙以忝廁講席課試之餘得參末議時方竊以爲幸既而公有齊東之調不果迨踰年回任凡書院義塾農桑保甲諸大政皆次第舉行遂以校

德平縣志

卷首 序

三

天咸識記南紙店代印

濟南城內芙蓉街路西

刊之役寓書委託適熙寄居泰幕自維謏陋大懼弗克勝任也次年壬辰公於初秋之吉捐廉設局維時賓幕多才並集邑之名宿討論艸創公亦時以暇餘商榷其閒甫月餘熙由奉高旋里門入謁公首以爲囑誼不獲辭謹取諸君子所手錄與夫簿書所載故老所傳參以舊志紬繹而折衷之文則多襲舊稿而不無僭易體則根據前志而稍有更張諮訪必周弗敢隘也疑殆必闕弗敢誣也棄取必審弗敢苛也甄擇必眞弗敢濫也慎之又慎以期無負乎邑侯實事求是之心蓋自秋徂冬雪案燈檠每以更盡爲率越明年夏仲始竣夫功不虛立事有由來斯役也修廢舉墜遲之百年而後興邑紳耆謀之於始僚幕諸君

子成之於繼復有董事二三同志昕夕籌畫以共襄盛舉而此數年中倡議夙切部署維艱則微賢邑侯之實心實政不及此也邑侯之心之政非當時月旦之所敢及而由斯志推之異日者踵此續修例載循良將見甘棠遺愛當有書不勝書者矣志既成命爲之序爰敬陳其巔末如此云峕

光緒拾玖年歲在昭陽大荒落夏四月既望治愚弟李敬熙頓首拜稟

德平縣志

卷首 序

四

天成謙記南紙店代印
濟南城內芙蓉街路西

原序

乾隆己酉 受 承乏德平明年春

翠華東幸筮仕伊始得藉以親歷觀光數年來雖留心民社尙未斯信閒於公出從紳士耆庶問俗觀風參考邑乘趙王戴三志無存惟錢志成於乾隆癸巳不甚合體紀載亦多滲漏志乃一邑之土地人民政事所關稍有遺錯司土者何所據以出治臨民即閱者亦不能豁然心目時擬創修廩生王丕顯以文獻彙略進細閱其書頗稱賅括足備採取因即錢志而變通之分門別類閒襲原文事涉聞見互殊務在徵實傳信制有今昔頓異不無僭筆增刪於序目

德平縣志

卷首 序

七

天成謹記南紙店代印

濟南城內芙蓉街路西

圖式外舉綱十條附目十十有一適山長張學文強記博聞相與分校而志以成夫典守責在有司舊章豈容散失而不無殘闕者何士人一行作吏百里是膺土俗民情未能深悉或撫字心勞或催科政拙一轉瞬而考績至能者超遷否則引退曩爾小邑官如傳舍誰爲留心志乘哉 受 膺

簡命蒞德八年幸際

昌期公餘稍暇得徵文考獻纂修成帙自慙 涉 陋何當誌乘之林不揣荒蕪聊盡職司之責云爾嘉慶元年丙辰春正月文林郎知德平縣事閩中鍾大受譔

舊序

嘉靖甲寅趙鏞

予始視篆德平每詢故考變病文獻之罔徵也則嘆曰志可以弗修乎時邑事勞午未遑也及將報政乃檄校師士採摭具稿稿呈而予奉簡書內補然心歎焉未始一日忘也比因駟務少暇檢故笥得前錄思未卒業即刪修付諸梓人補闕典也夫德平之爲邑舊矣地以名別名以時異上徵星野下稽往牒而沿革之跡昭矣故首志建置禹定九州表名山大川是疆域之辨也可無書乎故次志山川鄉鎮民攸止也撫之則聚虐之則散而登耗於是乎稽故志鄉鎮王公設險以守國城池其大者也堅瑕葺毀斯守土之重務也故志城池土殖物以爲民資而或

德平縣志

卷首 序

八

天成謙記南紙店代印

濟南城內芙蓉街路西

誅求於土之所無至竭澤以漁焉是資民者適以厲民粟米力役賦於戶口頃流徙日衆豈兩稅有弗平耶均司牧者所當念也故志土產志戶口風鼓於上俗沿於下雖叔世習尙滋漓然猶有齊魯之遺休焉變而之道易易耳故志風俗官之有廨咸需民財力以構之也厚下安宅其恫民之艱而培其基乎故志公署學校書院士所羣聚講業而出以楨國者也師不失所教弟子不失所學庶無負修舉之意耶故志學校志書院典祀兆守有域禮之大經非無文之秩也歲時當慎於潔備乎故志壇墀郵傳古侯遺懷方之制也而弊滋於冒濫民疲於奔命當路者其審裁節之宜乎故志郵傳禮有其舉之莫敢廢也矧廟貌

而尸祝之者多有功於民者也可勿錄乎故志祠廟釋老之宮
徧海內歷唐宋迄今豪傑起而排之者不少矣乃卒無損於其
盛豈二教淪浹肌膚而惟以虛元勝耶矧其教亦足以使人清
心寡欲以基天下之治故志寺觀造舟爲梁著於詩而扛摧綺
約雜見子史君子於此可以觀政矣故志橋梁弔故輿上世之
思墟墓式過客之車是人心之不可泯也故志古蹟志塚墓鳴
珂碎錦所以昭賢表遇崇功保庸所以礪世磨鈍是咸作之勸
也故志牌坊志功賞設官分職自有邑以來其姓字湮沒不傳
者多矣而炳焉特著必其政理之可述也故志職官志名宦國
朝以科貢爲正途而出於科者類躋崇應貢則鮮有顯赫亦其
德平縣志

卷首 序

九

天成謙記南紙店代印

濟南城內芙蓉街路西

勢然耳故志科目志應貢史籍旣邈姿媚日新邑之擬跡歐顏
者踵曳矣故志中書源深流遠根沃末茂影響之理也觀天寵
推勲之隆者其思深源而沃根乎故志恩封孝義貞節民之紀
也每懼夫輿論之弗協耳茲論定於學校則公矣公而不載何
以樹風故志孝義貞節邑自禰正平而下歸然爲衆所瞻企者
代不數人固間氣之鍾也義當特書以傳故志人物夫志以紀
事事以文顯凡文之有關於事各以類附如一統志之例舍是
無錄者矣故詩文不專志天道遠人道邇災祥非所急也而要
之天人之際微矣故志災祥終焉

又

萬歷王霖
丙午

德平舊有志歲久漶漫闕逸不足觀矣霖也執般鬲之符數欲
修輯而朱墨紛膺議未遑也迨乙巳夏乃始延諸髦士各據所
見設局分曹蒐羅舊籍採掇新事日稽而類編之數閱月而彙
集成帙遂將付之梓人已而深思之志當閱世無以率簡殺青
乎不佞再讀而庚考之取材於衆稽斷於獨芟浮汰冗訂舛正
訛甯略弗備弗敢誣也甯朴弗華弗敢溢也弗阿弗襲罔敢弗
慎焉越明年丙午迄一週而告成僉謂不佞宜有序以記歲月
示來禩不佞乃謂之曰志史之遺也周禮小史掌邦國之志自
昔重之甯以文勝侈篇牒之富韓子曰巧匠目意中蠅必以規
矩爲度上知捷舉中事必以先王之法爲比治大治小太上因
之耳古今異俗新故異備總之不離民情者近是其情之所安
於已然者法也吾順其所不得不然者法法也民不愛其情官
不易其法不然者萬人異心以聽一人之用是最下者與之爭
而脊脊多事矣百里風物萬家情態具在志中雖弗備則事已
核矣雖弗飾則質未漓矣弗敢弗慎則直而不阿考信有據矣
紀其事傳其信同民出治志之意在斯乎或曰時移物換法令
更張若然將膠柱守株乎不佞曰否否諺曰爲政猶沐也雖有
棄髮必爲之愛愛棄髮之費而忘長髮之利又不知權矣去好
去惡貴順民也去太去甚以維法也一邑之實錄在是異日者
循而酌之甯飭於官勿增法於民後之君子當饒爲之不佞固

未逮也

又

康熙
壬子 戴士縉

余自康熙己酉來尹鬲閱四載

聖天子混一區宇宏敷文

教俞輔臣請爰有修志之命或曰存一代掌故昭示來茲也余

曰唯唯否否

今上厲精圖治僅欲周知八方之風俗乎抑

借以察吏安民也慨夫吏治不古若其鼎鼎講求者繭絲焉耳

皇皇救過者刀斗筐篋焉耳簿書煩猥稍稱職輒自矜曰吾掇

之若承蠅而奏之無全牛也及問城隍沿革則不知問人才興

廢則不知問物力豐耗則不知問利弊興革求所以移風而易

俗者且驚爲河漢也嗟乎是將裂錦覆車之不暇何以下答吾

德平縣志

卷首

序

一

天成譚記南紙店代印
濟南城內芙蓉街路西

民而上報

天子乎余用是怵怵懼矣且余之懼與他宰異

鬲近畿輔咫尺

天顏非遐阨僻壤比職則璽書褒美且旦

夕至不職則譴謫罪罰亦且旦夕至也敢不懼南接聖居敬事

後食之訓炳若日星童而習之壯而行之近守屬邑羹牆如見

求其不負所學者幾何也敢不懼抑有進焉者余滄人也鬲距

滄不二百里鬲人有謳吟者我二人聞之則愉鬲人有呻吟者

我二人聞之則悲我二人方以不肖之覲於二人者代鬲人籌

其所覲於不肖者併以二人應不肖之求者代不肖籌其所以

應鬲人之求者夙夜拮据思以保赤當承歡故興一利如進滄

髓除一害如効抑搔筴精針緝挫之播之迷陽卻曲則勞人之

治譜乃遊子之心版也此又不肖之所大懼敢與向之守茲土者同日語哉自承乏之後每欲採風蒐謠續貂舊乘今遵令修志敢弗恪共以竣迺事爰準昔酌今補闕訂訛如營室然治爾棟采爾椽毋爽於度如製錦然布爾經修爾緯毋亂於理工成而人士手一編舉夫百里形勝若城隍之沿革人才之興廢物力之豐耗與夫利弊之興除風俗之移易者咸較若列眉所爲勞人之治譜以上報我天子而下答我庶民者在是所爲遊子之心版以仰慰我二人者亦在是然余所以無忝厥心以不負所學者果何如也用撫是編而益滋懼矣夫亦曰掌故僅存以俟後之君子因文以勵行庶幾永蔭我兩人勿替云爾因序德平縣志

卷首 序

一二

天咸謙記南紙店代印
濟南城內芙蓉街路西

之以當前驅

又

乾隆
癸巳 錢大琴

今之德平古之殷鬲方六七十中有九河故道每遇夏秋霖雨汎濫爲患土瘠民貧風俗樸野予自庚寅承乏於茲時飛蝗從北來彌天塞野一夕疾風驅去若有神力明年大水匍匐救之聖天子愛養黎元無所不至蠲正賦免積逋振貧窮贍乏絕令秩雖卑豈是皆以仰承德意不忍累吾民會支派溝淤淺檄往修濬分土二萬五千餘方計值三千二百餘金相距又五六十里予乃傾廉俸爲之父老子弟若不知有此事也今者上天降康時和年豐天札疵厲之不作邑諸生進而請曰舊志漫漶

盍修諸自慚固陋兼簿書期會無暇日網羅散帙手自纂錄踰
年始藏事訛者正之疑者闕之無私意無溢詞知我罪我其在
斯乎若夫因是志以考何利之當興何弊之當革德之何以歸
於厚化之何以格於頑則先賢冉有言之矣如其禮樂以俟君
子

德平縣志

卷首 序

一二

天成謙記南紙店代印
濟南城內芙蓉街路西

德平縣志目次

卷首

序文

目錄

姓氏

綱領

凡例

圖式

卷一

方輿志

分野

沿革

疆域

形勝

河道

陂隄

德平縣志

卷首

目錄

一

古蹟

塚墓

氣候

風俗

卷二

建置志

城池

衙署

學校

書院

倉儲

壇廟

寺觀

鄉鎮

街市

兵防

郵傳

舖舍

津梁

坊表

卷三

食貨志

丁徭

田賦

鹽課

物產

卷四

典禮志

公式

祀典

飲射

賓興

卷五

德平縣志

卷首

目錄

二

官師志

封爵

職官

卷六

選舉志

表

徵辟

進士

舉人

科貢

武科

武職

吏階

卷七

人物志

上

前哲

宦蹟

賢能

忠義

人瑞

卷八

人物志
下

列女

卷九

恩卹志

綸音

封贈

恩蔭

德平縣志

卷首

目錄

三

天成謙記南紙店代印
濟南城內芙蓉街路西

卷十

祥異志

灾祥

異聞

雜記

補遺

卷十一

藝文志
上

文詞

卷十二

藝文志
下

文詞
續

詩詞

詩詞續

德平縣志

卷首

目錄

四

天成謙記南紙店代印
濟南城內芙蓉街路西